

宋詩紀事補遺

宋詩紀事補遺卷之四十一

歸安陸心源伯剛父輯

錢億年字伯壽通之孫紹興初以蔭入仕乾道初
以右朝散大夫致仕五年落致仕除利路提點
刑獄不果上淳熙甲辰轉朝議大夫卒年八十
有五著有雲巢詩集

和唐子固見寄初冬晚步韻

淒風滿寒谷廣陌照落日繁霜排草岸疋痒怯寒慄
塊坐閱殘編十日九不出時爲孤憤吟嗟嗟類蟋蟀
歧路多阻艱烟霞成痼疾保是千金軀他慕無終畢

遠覽塵垢外無得初無失溺忘膠復開跬踉信匪一
阮生亦有言何異祖中虱呼童洗破觥一醉真可必
耳熱卽鳴鳴鄙野誰訶詰歌莫予知奚用聆清瑟

重陽

商飈驚秀水松桂不受秋萸菊有光輝芬芳滿金甌
古來賢達人逢時聊解憂龍山孟參軍落帽初不羞
東籬陶徵士得酒更何求若人不常有至今稱風流
節物自爾殊生滅同一漚浮世夢幻身適意是良謀
山翁未嘗樂而亦未嘗愁吾獨可奈何任渠自悠悠
避暑椒山呈潘師清

涼風生層巒炎日遮疊嶂我來茲地遊心焉樂清曠
爲吏卽華顛愧臨士民上老醜畏近人筋骸非少壯
知止遠卑辱奚敢謂高尚齟齬方自持良心未容放
促柱有繁音龍聒無清唱卻暑御絺綌自修終弭謗
居間無適莫且免縈重恙俯仰心不慚無言亦疎暢

次太守李侍郎和郡博士包文芍藥韻

栽花未免惜花殘忙裏應須護小欄何似長松與修
竹不妨耐久靜中看

艷草妖花理易殘無勞太息撫雕欄終年廢盡壅培
力能共樽前幾日看

呈盛逢時

倦翮知還心已休無窮世事懶回頭是非不屬閒人
耳月自當空水自流

次遊玉虛洞韻

茂松脩竹晝陰陰澗水幽流一徑深未必山中無外
事須知靜躁總因心

敬鄉錄

李鼎

字仲鎮號懶窩宣城人紹興初官都昌尉工詞
章興蕭之敏唱和見省齋集累官迪功郎淮西
安撫使準備差遣見南澗甲乙稿

送修書記遊天台

塵事日敗人筋力隨以勞三年梁溪上俯仰如桔槔
窮巷躬水菽杜門匪禪逃修公崑壑人臭味合我曹
閒從茗盃集有往不待招清芬落淨几冥坐揮霜毫
脫畧畦畛外寂寞期久要春風草離離飛花照方袍
朝來遽別我明月挂一包笑指天台雲意氣東南高
去去不可挽獨鶴鳴九臯會看精進力覺性一宿超
全提法王法眾說障奔濤大千廓沙界體現無絲毫
異時藥山偈問道慙非翺

天台別編

宋輝

敏求之後紹興初以朝議大夫直龍圖閣發運
副使除直秘閣知臨安府九年中散大夫祕閣
修撰京西路轉運副使充天府路轉運副使兼
提刑見繫年要錄臨安志

次唐彥猷顧亭林韻

昔時高士宅今日梵王居棲影銜山遠鐘聲隔岸疎
風流嗟往事精爽闕遺墟回首烏衣巷凋零兵火餘
嘉禾志

曾幾厲有

謁靈康廟

玉霄峰外海西頭卽是襄翁所領州雲水茫茫長發
興春山疊疊未生愁舊時英物餘千載勝地叢祠尙
一丘苦雨淒風莫爲祟與君同樂亦同憂

登玉霄亭

老病君恩付赤城瘦筇扶上玉霄亭懸知地接溟溟
海坐見天橫兩兩星作賦興公虛想像謫官司戶實
飄零叢翁何幸分符竹一覽東吳未了青

天台別編

寒食日遊東湖

官朝顏狀滿塵埃負郭陂湖眼爲開春色少留如過
客賞心多病只寒灰黃童白叟喜相告皂蓋朱旛能

一來日暮遊人歸去盡沙邊鷗鷺與徘徊

戲作盆池四於和清堂

陂湖春盡水茫茫收拾波濤入小塘睡起微涼馥荷
氣雨餘斜日麗萍光聊爲堂下龜魚主少退階前雁
鷺行只欠盆山數峯在並持草樹作青蒼

天台別編

中秋登玉霄亭翫月

玉露金波不可孤瞻相今夕定何如氛埃未淨雨湔
洗陰翳小留風掃除丹桂看來能了了白榆種得許
疎疎一壺濁酒非難事未有新詩報答渠

天台別編

將適台州

風林何許着驚禽惟有台州舊所臨
避地妻孥雖在眼藏山文字却關心
維揚大將今城固建業名臣天塹深
說與單于歸去好長淮邊是殺胡林
天台別編
案以上諸詩茶山集失收

曾 惓 厲有

分繡閣

洪景伯倅
廨新建

治中妙言語洪濤瀉詞源向來羣玉府
垂上紫微垣佐羣滄海傍憑軒望朝曦
便欲乘輕車長歌登崑崙茲樓何縹緲
千岩靄雲屯庭空百吏散博山炷微薰
重尋羨門輩仙事渺無垠何如對妙高
舉手招德雲

清閼堂

洪郎雅吳語不減賀季真開軒風烟上爽氣朝朝新
手栽渭川竹坐對北山尊平生耐久朋歲晚獨此君
此君不可疎亦復未易親紛紛桃李行豈容託清塵
退食靜隱几微風冷衣巾乃知王子猷定是我輩人

次韻朱知裁少卿見貽二首

丹丘山水窟中有如斗城地迥鳥不喧一葉動亦驚
閉門有勝士學道師廣成翛然卧環堵六印一縷輕
脫非玄真子疑卽坐忘生姓名存丹臺寧問月旦評
小試未軒翥襖被辭漢廷肯令蓮社流坐歎草堂靈

要當酌家釀酒色粲碧瑛

少陵卧窮巷作詩嘆秋雨坐令馬羣空真欲洗萬古
乃知筆有神盜復慙思阻此翁已仙去上界足官府
下視五濁世正自一塵聚後學如秋蟬聒耳了無取
月卿折檻後傳家有儀矩織成錦繡段宮商寄鳴杼
追還正始音雅頌繼皇武卽今風騷將僅可一二數
豈伊塵滓人得此百世士心源忽湛然對面識諸祖
何時登妙高歷險歎踽踽便可咤善才室中聞密語

題謝景思少卿藥寮二首

先生數畝園種葯一何盛了知醫國手元自諳葯性

愚溪植仙毗服食每自信伏波收薏苡初不避讒柄
牛溲馬渤輩竝蓄用必慎我知若人心欲了世間病
君非山中相疑卽句漏令問訊紫金丹刀圭宜有贈
維摩示清羸宴坐丈室中靜觀世上人百邪所交攻
我有一丸藥得之無是公人人各安樂淡然心地空
脫復未辦此濟物存陰功南山千歲苓託根萬丈松
下有青青草其名爲救窮願君時舉手採取置藥籠

次韻李舉之玉霄亭

新亭崛起最高峯無數遙岑翠掃空恐有謝公留屐
齒爲開摩詰畫屏風倚江楊柳自高下照水杏花能

白紅正欠渭川千畝竹清陰分借賴鄰翁
亭據城央一徑開仍標蘭芷出蒿萊諸峯合沓雲邊
出大船寄襄海上來已辦酒池供倒醉可無舞袖看
低回風烟正賴君彈壓時遣詩鋒爲剗裁

東湖懷賀子忱

不負春風爛熳晴聊驅小隊出郊坰一百五日可無
酒二十四絃須細聽溶溶漾漾沙鳥白短短長長溪
柳青賀鑑扁舟在何許惜無妙墨記蘭亭

丹丘諸先輩被荐書越試南宮郡守曾愜旣
大合樂祖其行復成小詩歌以送之

夜窗幾歲聚寒螢一日秋闈較藝精不但春秋明古
義雅如月旦著鄉評毫端賸掃三千牘雲路方期九
萬程三郡看魁天下士丹丘應未墜家聲

江南野步簡賀子忱蔡瞻明

步履溪南探野梅衝寒仍與故人來竹邊嫩蕊爲誰
好雪後惡雲今日開照夜賸修月戶惜花須築避
風臺中郎華髮殊堪酒更挽稽山賀監回

次韻景伯寵示勸農新什

奉詔東郊宣主恩如雲和氣藹生春仙舟偶共元禮
載官舍仍依王翰鄰忽有新詩驚老眼慚無惠化及

斯人半生不分微官縛蚤晚故溪歸釣綸

題桐柏石道士院妙聲堂

門外千峯翠作堆道人名籍在丹臺是非榮辱俱休
問只放泉聲入耳來

洪景伯飲諸丈分繡閣以詩戲之

新營小閣面孱顏領客開尊紫翠間千里畫圖供徙
倚一時名勝喜躋攀好風已破晚來暑小雨不遮湖
上山老子箇中殊不淺尙堪同醉看弓彎

天台別編

南城

麻姑岩堯青插天瀑泉奔騰千仞懸星壇突兀倚絕

壁平原太師有銘鑄神人已去一千歲諸峯尙作翔
鸞勢輿地紀勝

題一相菴

滿山松竹翠成林髣髴前身舊所臨不分雙岩殺風

景他年蠟屐再幽尋

天台別編

東湖懷洪景伯

東湖徑曲半蒼苔問訊紅蕖幾許開渺渺波光侵坐
席霏霏荷氣著尊罍片雲再爲詩情起好雨更將涼
意來別乘朝來知健否頗思劇飲拗蓮臺

天台別編

次洪景伯騰雪應祈詩韻

午夜奔騰玉馬飛春前臘後未爲遲正怜灞上詩無
繼似與山陰客有期搖蕩江花迷遠渚埋藏海嶠失
多奇誰人作句催端木清絕台州別駕詩

天台別編

曾用孫

黃州守愔之子

赤壁

白浪高於屋風回熨貼平周郎呼不醒久立聽江聲
輿地紀勝曾宏甫爲守有子日用孫九歲作此詩

謝 黻

字彥章紹武人紹興元年進士累官吏部郎中

終太常少卿

鳳山

高臺伊昔來鳳凰於今鳳去臺亦荒蒼蒼竹實有霜
露颯颯梧葉生秋涼西風斜日開晴色閒步瑤臺訪
仙蹟道人誦罷蕊珠經老鶴一聲山月白

東山

東山亦何高他山不足論其間有九日乃是人所珍
時與我數友登高看嶙峋悠然看黃鶴飛及下山雲
我友今年歸寂寂車馬塵問言家何許正與此山隣
想爲携蠟屐自往窮朝昕斯游孰可陪有意徒殷勤

門前一溪水清澈多遊鱗安得尺素書問訊情所親
邵武府志

何熙志

龍游人紹興初進士晁公武薦爲御史臺檢法

題錦江院

拓開天外無窮景望盡坤維到處山

輿地紀勝

九頂山

一山九頂燈常現六月三莪雪未消

又

廣安

欲說賓城好先誇方物妍金羹

謂鴨也

收稻後紅腊

謂蠟

也肉落梅前照座梨偏紫堆盤荔更鮮又

王晞鵬

字季明初名晞亮避金主亮諱改名鵬亮死復原名福建莆田人紹興元年進士累官敕令所刪定官權太常博士足不至秦檜門檜銜之嗾其黨李文會劾亮陰附趙鼎偽造異說罷爲福建安撫使幹官二十六年檜死召爲國子丞遷吏部員外郎終祕閣修撰

句

峽裏琵琶灣水帶山歌氈帽送江聲輿地紀勝

歸隱寺

紅塵紫陌江聲外綠嶂青嵐書几間 又

劉棐 厲有

題惠眾院

雲迷鳥道嶺重重松竹深藏釋子宮戎馬不曾來爾

界太平元在亂山中

天台別編

至石橋夜半風雨大作

方廣卽眞華藏界自他不隔一毫端龐眉大士常相

見猛雨豪風漫作難

天台別編

孫知微

紹興元年通判舒州賊劉忠入其境執以去知
微不屈忠齎食之附見宋史鄭振傳

上清宮

臺殿壓平青嶂頂松杉插破白雲根

輿地紀勝

唐皞

紹興元年無錫縣尉撰陽山顯應潭記

題安陽山翠微寺

平地巍然起一峯
歷山西畔瀉湖東
勢侵雲漢千尋直
影落烟村四面同
龍窟正當螺髻頂
僧居端坐畫屏中
邦人不獨資觀賞
旱歲爲霖更有功

毗陵志

陳中

莆田人紹興二年進士

羅叢巖

巖巖山光映團團樹影重斷猿啼午夜孤鶴唳秋風

漳州府志

壺公山

深澗無人草自斑獨隨流水入深山隔林嵐氣青烟潤滿地松陰白晝閑
埜鳥聽經當戶入洞龍帶雨自天還登高試望莆城景一騎斜陽晚度關
莆田縣志

汪勃

字彥及夥人紹興二年進士歷官簽書樞密院
事封新安郡侯與秦檜不合罷追復龍圖閣學



士見墓志宋史附見汪綱傳

杼峯

夏后峰前思盛業魯公亭畔憶孤忠吳興勝地東南

會震澤嶠山在眼中新安文獻志

王克遜

人 年進士轉運副使

金泉寺

沖虛蟬屣世綿綿勝地人來尙凜然不見彩雲迎皓

鶴空留怪石漱清泉

輿地紀勝

鄒惇禮

字和仲新淦人紹興二年中湖南北第一授宜春
法曹開軒種竹以自娛善書得顏柳法人皆寶
之有北窗集

題竹

疎直拙依附清高無匹儔

新淦縣志人物

范彥輝

福建甌盜人歸安籍紹興二年進士二十二年
將作監主簿面對言催科專事侵偷上戶則敦

請赴縣而科借之中戶不與科借則令再納細
民則搜刷丁錢另立名目入老不除望申戒監
司郡守檢察從之累官大理寺丞左朝奉太常
常寺丞二十三年坐作夏日久陰詩謗訕除名
勒停見繫年要錄卷一百六十五

夏日久陰

何當日月明痛洗蒼生病

李衡 厲有

研花箋

三月江南花滿枝風輕簾幙燕初飛游人休借夜秉

燭楊柳陰濃春正歸

崔嵬霜降欲凌雲俯映寒梢數尺春須信蒼然明信

老坐中客有散花人

吳郡文粹續集

周播

蘇州人

一作秦州人

紹興二年進士孝宗時知蕪湖

縣

定林寺

定巖坐聽松聲好德水行穿竹影斜無限世間幽絕

處天公分付與僧家

建康志

彭延年

海陽人紹興三年特奏名

浦口邨居好

五首
存二

浦口邨居好柴門鎮日扃晴嵐深染翠寒筍嫩抽青
酒筆驅吟倦林風引睡醒東風清泚泚待創碧蓮亭
浦口邨居好憑高望處賒稻田千萬頃農舍兩三家
樵路通雲磴溪船放蓼花太平無事日處處盡桑麻

潮州府志

劉 倓

一作侯明州人紹興三年進士

橫山道中四首

桐林老子俗情無，覽勝探奇不覺晡。
幸爾清溪好明月，如行四十里冰壺。

一溪徑險僕夫劬，三酌油油醉筍輿。
隔岸火燄三四點，不知誰照夜灘魚。

五更一霎清明雨，曉霧梨花夢白雲。
半嶺肩輿猶兀兀，一杯卯酒尙曛曛。

大小萬竹望不見，上下牢巖過若飛。
紅紫舞衣山腳躡，白裁玉版野薔薇。
奉化縣志

聞人武子 厲有

丁角暮春

綠葉成陰春已歸茅簷相對兩斜暉殘花且插春事
急別酒欲酌歌聲微黃鳥忺忺隔林語楊花款款沾
人衣人間一別春常好過我漁舟果是非

嘉定鎮江
志卷二十

李若虛

廣平人若水之兄紹興三年右承務郎守司農
寺丞五年右宣義郎湖北京西招討使司參議
官提舉京西南路常平茶鹽公事六年擢荆湖
北路運判軍器監丞繫年要錄八年軍器少監司農
少卿九年右通直郎尙書戶部員外郎見鄭剛

中北山集及浯溪石刻

紹興五年五月過浯溪觀中興磨崖因成一絕

元顏文字照浯溪鬼物于今常護持崖邊尙有堪磨處留刻中興第二碑

湖南通志金石畧

李良臣

綿竹人紹興三年左承議郎張浚帥蜀辟爲提點降賜庫繫年要錄八年工部員外郎知簡州

簡州

簡州何處景最佳東溪清絕人最誇

輿地紀勝

張志行

字公澤東陽人嘗閉戶讀書默識經史就試酒
洒萬餘言直陳時政得失不合於執政遂歸紹
興三年賜號沖素處士所著有易傳撮要史畧
及東陽十勸等歌邑人許復道序之

邑宰同遊崑峯

勝境追遊豈易尋公餘喜得共登臨攀蘿縹緲雲霄
興夾道琮琤玉石音置酒但教呼我輩題名何必刻
碑陰藍輿歸去敲明月盛集應堪繼竹林

東陽縣志

吳振

江西人紹興四年解試

題招提院靜照堂

古刹深沈一水邊清虛疑是翠微間門前衮衮紅塵
闌堂上修修白日閒燕坐不知增夏臘冥心安在更
雲山靜中別有真消息於此誰何合往還

嘉禾志

劉昉

字少卿潮陽人紹興四年以薦對除宗正丞歷
知贛州○又一人海陽人宣和六年進士龍圖
閣直學士湖南安撫使

題玉泉

隋物尙餘雙鼎在唐人猶有八詩傳輿地紀勝

趙思誠

紹興四年十一月以左朝散郎充徽猷閣待制
知台州十二月提舉江州太平觀見赤城志累
官中書舍人見張綱華陽集終于寶文閣待制
提舉江州太平觀紹興十七年卒見要錄

建炎丞相成國呂忠穆公退老堂詩

抗章敢避公槐位卜築千巖紫翠間
園鎖幽深侶仙境堂開華麗遠塵寰
貂冠虎騎榮新寵雲閣瓊臺許暫閑
帷幄謨謀待元老未容高蹈占東山

經濟奇謀有祖風渭川卜獵舊非熊風雲遇會千齡
運社稷扶傾萬世功偃息郊園酬雅志咨詢廟算簡
清衷更須整頓乾坤了綠野歸來効晉公

天台別編

鄭弼

紹興四年入內東頭供奉官直睿思殿常從張
浚出師閬州歸至常山辱縣令汪禹錫令訴御
史台詔守臣謝克家究實貶秩二等復與李廩
並赴韓世忠私第會飲坐交通主兵官抵罪俄
又轉敦武郎出監宣州商稅

定光南安巖

石聳雲巖接太虛百千年稱定光居未知天上何方
有應是人間別地無

又

香風影裏迎新魄梵唄聲中見落暉自恨勞生名利
役不能來此共忘機

路入雲山幾萬層豁然巖宇勢崢嶸地從物外塵囂
斷天到壺中日月長

輿地紀勝

陳良翰

字邦彥公輔族子紹興五年進士知瑞安縣累
官左司諫出知建甯府以敷文閣直學士奉祠

卒諡獻簡

三聖殿

巨鎮標閩越靈蹤肇晉齊空壇仙一上古洞佛雙樓
化石龜猶在燒丹井已迷塵襟誰復悟惟聽曉猿啼
三山志

汪若容

字正夫歙縣人紹興五年進士官至將作監丞

有集三十卷

見墓志

程倅春行

綠楊芳草正留連急雨催詩涇錦韞野老不知行樂

意背人無語自耕田

新安文獻志

謝鳳

字彥陽歙人紹興五年進士建昌軍教授

一作泉州

遊黃山

歷覽峩峩接斗牛巖排雲樹翠陰稠風生藥臼清香
遠日照丹巖紫氣浮仙樂有聲聞晝夜靈泉無火沸
春秋猶多奇絕應難到聊寫新詩紀勝遊

黃山志

張行

金堂人紹興五年進士

贈北巖院僧

缺

山得雲居子隆

缺

有待者□請如掃清狐兔窟鑪

出黃金□放開眉光陞寶坐灑大法雨遍閭浮

金石

孫仲鰲

字道人永嘉人紹興五年進士歷官太學正秘書省正字擢校書郎司封司勳員外郎國子司業紹興二十二年充賀金正旦使爲李光客

送王之望知荆門

絲川紫岫洗詩愁朱橘白魚供飲痛

輿地紀勝

黃熙

南海人紹興五年進士累知新興縣韶州推官
胡寅斐然集有送熙赴韶州推官詩

歸州

放逐臣之常胡爲乎汨江不先於楚死未免作秦降
輿地紀勝

謝用賓

祁陽人紹興五年特科進士官橫州法曹尋歸
隱號雲山野客時稱白雲先生

澹巖

雲山野客家在浯溪乘風而來泛月而歸
沅湘耆舊傳

宋詩紀事補遺卷四十一終
男內閣中書樹屏校

宋詩紀事補遺卷之四十二

歸安陸心源伯剛父輯

滕岑 厲有

慈照院

平生不踏南新路早歲已誦東坡詩青牛龔僧今不見慈照仍有那律師君不見世間萬事皆兒戲不如盲龔百不知雙明閣上夕陽時一笑二子聞爭棋

新城

林莊

瑞安人紹興五年進士洪州教授

遊鳴山

杏花舞徑亂紅雨
麥浪漲空搖翠烟
十里清風尋小

寺快船如馬水如天

温州府志山川

觀潮閣

江山不受範
偃蹇散莫收
領略得要會
聚此百尺樓
霽色明千峯
斜陽帶歸舟
堪洗北客塵
似脫南冠囚
二子倚秋晚
岸巾送明眸
杯寒風景切
句落雲烟愁
況我江海人
二頃亦易秋
百年鷗盟在
脫幘行當休

瑞安縣志

廖顥

字季邛連州人紹興五年進士歷官知化州隍
廣南東路提舉茶鹽淳熙初改廣南西路提刑
虎跑泉

眞馭遺蹤古寒泉瀉石清養源人莫測流潤濟蒼生
遊七星巖

斗峯遙憶舊崧臺爲勸農耕特地來短李高名光翠
壁爲劉陳迹沒蒼苔洞天日永風埃淨巖壑雲收霽
色開好景最宜供宴賞操觚欲賦愧非才

以上粵
詩蒐逸

王賓

會稽人紹興五年進士

淨聖庵

樂道巖前沙路平
淡烟和月照人行
林端仙館千山合
石罅靈泉一派清
蘊藻競嚴朝斗意
琳瑯惟聽步虛聲
青春奏罷黃冠睡
獨有灘雷徹夜鳴

福甯府志

邵絳年

蜀人將仕郎

紹興五年正月知嘉州李夜將家往興化寺觀燈觀者填塞寺門石梯高峻致命從者跌之士女墜蹬而死者百餘人修職郎劉庠將仕郎邵絳年皆死攷坐獄抵罪繫年要錄

資州

郡秀誇東蜀山奇數北巖

輿地紀勝

莫柯

紹興五年揚州教授淳熙中石門縣主簿慶元
二年奉議郎知上元縣

題資福院平綠軒

深林闕嘉趣門徑愜幽居野色通荒阜津流動碧虛
日邊山隱隱烟外竹疎疎徙倚招雙目白雲知故廬
又

世累苦縈束官閑得自便未賡三隱句聊扣二乘禪
壯志羞朋舊長歌且聖賢每因休沐地思辦買山錢

嘉禾志

孫逸

字仲舉紹興六年朝請大夫直徽猷閣知台州
賞梅佳什旣不得陪從又莫獲少留深以爲
恨輒賡原韻酬敘

郡務裝懷日晷催東園未覩一枝梅從容後賞輸先
見汨沒塵勞恨阻陪待雪最宜寒艷坼迎春會有暗
香來悵然歸棹匆匆去徒使臨風憶共盃

元夕日永再示梅韻佳作過形褒借輒爾繼
和自茲當絕筆矣

別來無奈歲時催，渴想聲猷但指梅。
六逸溪頭難角逐，七賢林下曷追陪。
忘懷不覺老將至，揣分爭如歸去來。
況值元宵增感慨，十年耳冷聽傾杯。

禁漏花深
詞也天

台別編

李弼

紹興六年國子內舍生進明堂頌授校正御前
史籍改右宣教郎賜緋魚袋

七星山

乘興上東山，天風拂壯顏。
七星連地脉，一竅透天關。
元鶴何年去，丹爐盡日間。
我因壓塵俗，到此不知還。

廣西通志
山川畧

范綜

紹興六年石泉軍沿邊安撫使

岳陽

萬里山川寬眼界兩湖風月送天涯雲通巫峽襄王
夢鵬吊長沙賈誼家輿地紀勝

鄭謐

字本然

天台別編

徽宗時寺人中之粗能詩者高宗

嘗以蘭亭帖賜之

李心傳

紹興七年四月戊戌

御批武功大夫貴州刺史鄭謐帶御器械翌日

上諭宰臣曰諶除命未須行昨召用徐俯外議
謂諶所薦朕何嘗容內寺薦人徐俯之召止緣
洪炎進黃庭堅集有云徐郎或徐甥者後胡直
孺荐俯自代稱其行義文采過人質之汪藻亦
以爲然後程俱論俯與諶往還始知外議乃爾
今諶新命又恐外間紛紛不若與在外宮觀繫年
要錄卷一百一徐俯因諶進身東湖集中唱酬甚多漁隱
叢話旋提舉江州太平觀卒

過郭傳師太尉山居

大固擅雄強一峯連紫邏戶牖開上頭可愛不可唾

前山奔馬來一一窗間過無人識故侯得趣貪高卧
不受富貴吞早供香火課槍甲久沉埋詩書真頓挫
兩國正交兵萬民心膽破莫惜功業成更遣聲名大
天台別編

彭夷

字伯勝崇安人紹興七年爲鄉舉首

答劉子翬句

六龍極北瞻明主三鳳河東愧腐儒

崇安縣志

何騏

厲有

紹興丁巳二月三十日同晏元老馮應禮羅

君瑞遊龍多山訪飛仙遺迹以兩詩書事

世路聲呀赤水過故升天險問龍多書中舊識唐公
昉圖裏又聞馮蓋羅絳闕迢迢雙鶴下青空杳杳口
寫歌一篇跳出孫樵語未應虛皇玉字科

丁令梅仙梁市客穿雲隨我上虛無携持賴有竹都
尉偃蹇更逢松大夫山積五倉窺石口霞拖九口覓
丹爐聖泉聞說經湯旱中有龍蟠不用雪

金石苑

南樓

武昌形勢鳳凰邊萬里長江落檻前笑殺元規亂天
下南樓何藉此人傳

輿地紀勝

雲頂山

一楠枯再生兩石合無罅

又

張敦頤

字養正婺源人紹興八年進士授南劍州教授
累遷宣州倅守舒衡二州致仕著有韓柳文音
注六朝事迹偏類衡陽圖志

清隱院

古寺深山裏高亭萬木叢歸雲度疎牖繡嶺倚晴空
澗草連階綠岩花照檻紅縱非塵世外無異畫圖中

太平府志

彭舉 一作時舉

臨川人紹興八年進士

崇恩寺

紺殿肇何年古雅足幽賞嵌空結寶蓋玲瓏如綺幌
誠哉運斤手巍然闕今曩丹碧浮霄漢斑剝亦蒼莽
境界半村郭清淨絕塵壤諦聽萬籟寂時聞松風響
盛夏此中憇納爽思解網聊以厯三帟情想爲一盪
吉安府志

淨居寺

攬勝棲真處山窮徑忽開碧澄丹壑水青疊翠屏苔

嶺樹宜高下溪流當去來聲光畫不得臨此但低徊

吉安府志

王之望 屬有

白雪樓

白雪樓傾不記秋樓前江水自悠悠多情猶憶湖南
守一曲陽春白盡頭 輿地紀勝

題王氏秀野堂

樹林陰翳鳥聲繁下有幽人晝掩關五畝邱園傍城
市一堂花竹帶雲山留連風月真成趣屏遠塵埃雅
自閑我訪一區無定所卜鄰擬向翠微間

天台別編
續集五

李燾 厲有

龍鵠山

西山有佳人慣踏山下路晨吟澤畔風午睡巖前雨
莫使兒輩覺損我巖壑趣

雁湖梅花

鏡面千頃闊修眉一帶橫湖深
有龍蟄山靜少人行
仙與長仙約都忘世俗情
鳥啼猿叫歇軒樂有餘清
成都學舍遣興

壯矣府中縣索如城外村墨池
今掃迹石筍舊除根
風急漢絃斷雨多秦鏡昏
新秋一懷古情緒若爲論

題南部停雲巖

路轉層岡二里餘，武陵傳者亦難如。
昔年煉藥仙人室，今日餐霞道士居。
洞外蟠桃開錦繡，巖前丹溜漱瓊瑤。
猗與靈氣爲時雨，可惜圖經缺不書。

龍鵠山房

已作清時鳥，亂飛杜鵑更。勸阿誰歸似嫌住處，猶城郭不解携家隱翠微。

眉州屬志

昇元寺

看盡庵前手種松，草堂聊復少從容。
令人却憶騎驢老，不悔終身作卧龍。

昇元古寺寶靈珠照影東西與眾殊本爲皇仁貢潛
府豈知今日鎮留都

景定建
康志

遊蔡山

巖巒最高頂雲氣時鬱蒼彷彿羣仙宅宮闕曜珠貝
輿地紀勝

長生觀

成家得將軍如越大夫蠡功成拂衣去智囊未扣底

望川亭

潼川遶郭多名寺都在少陵詩句中西上飛亭更奇
絕水光山色兩無窮

句

山遶一城藏幾寺江連二水送孤舟 又

岑公祠

隋邦危亂誰得免虛鑒真人願獨行道骨仙風今可想
幽棲巖洞及高明 又

曹績

紹興十年知甯德縣

曹公泉

度嶺汗如濯渴塵生客心清
泉隨念應乞與滌煩襟

甯德志

謝天民

字彥先建安人紹興十年以左承事郎知僊遊縣有興起學校之功

贈陳常翁

一經教子足三冬議論孤高有孟公學到內融多樂地心無外慕自春風我慚言偃絃歌化君在周公禮樂中三百三千煩指示許誰蹊徑一源通

仙遊縣志

李興

紹興十年知河間府又同谷人咸淳甲戌爲桂

林帥守

廣西通志金石畧

王笥山

葛峰相對爲文筆
蕭水回環當墨池
說與晚衙休報事
長官亭上有新詩

輿地紀勝

洪邁

厲有

剡溪別墅

龍停休憶柳垂堤
正喜高風集剡溪
流水直隨青嶂下
孤烟更在白雲西
村春接響聲相赴
浦樹連雲望自迷
無限新詩兼有酒
可能容我醉時題

樂平縣志

送置制使王剛中帥蜀

上都城外垂楊陌
葉葉經霜不堪折
春光猶未到梅

花何物當攀送行客路人驚問去者誰高牙大纛
光輝君王應念蜀父老故輟侍臣來紫薇明光起草
文章手却聽元戎報刁斗回首翔鸞一夢中玉簫緩
送成都酒邛邛九折何足驅慷慨功名真丈夫成都
花錦君莫戀早晚歸覲持鈞樞

樂平縣志

寄題分繡閣

新閣何隆隆經營自茲歲其前山送青其下竹交翠
景物日夕佳登臨春秋異治中公事暇領客共游蕙
四坐歡相酬壽主珍重意向來蓬瀛上覩此無乃媿
主稱客意好是事幸且置拄頰飽看山朝來疎爽致

有懷大兄正字

今日思兄弟江東望浙東別離無奈久書札且頻通
雨濕芭蕉碧風乾薜荔紅何時尊酒共夜語小窗中
天台別編

陳知柔 厲有

姜公輔墓次鄧經略韻

欲將興廢問洪鈞來謁孤墳獨愴神千載高風餘凜
凜一池秋水自鱗鱗門前帆影來天際秋杪鐘聲落
海濱此道寥寥今復振不應漁水是東鄰

福建通志

題石橋

巨石橫空豈偶然萬雷奔壑有飛泉好山雄壓三千
界幽處常栖五百仙雲際樓臺深夜見雨中鐘鼓隔
溪傳我來不作聲聞響聊試茶甌一味禪

天台別編

題洪景伯通判清閼堂

別乘清名滿世間却來堂下植檀欒已無俗物敗人
意且與此君同歲寒夜月平庭金影碎秋風一枕玉
聲殘雁行吏退鈴齋靜想見巍冠獨倚闌

天台別編

天台遊山

煙蘿穿幾重柴車倦驅駕忽尋鐘磬音山腰得僧舍
主僧聞我來曳杖出相迎揖我生虛閣登臨欠臺榭

老屋數椽餘風物自閑暇古木出雲杪遙岑來竹罅
下臨一泓水涵光冷相射但能了此生未遽慚大厦
我本山中人偶失學圃稼爲米聊復留兩同僧過夏
得舟家可浮過竹宅便借是處皆南山何必東籬下
悠悠去忘歸甯畏長官罵松月苦留客徘徊度清夜
明朝過桃溪溪女莫相詫

次海上長亭村

行到山窮處微茫島嶼青百年多逆旅萬事一長亭
風雨晚潮急魚蝦曉市腥平生誦佳句今見海冥冥

老杜台州地闊海

冥冥天台別編

許子紹 厲有

字季紹歷陽人監左藏庫時欲得太常丞時相
抑不用乃出爲靜江府通判

留別龍隱巖

矯首初來北斗峯直穿山腹作玲瓏石間蛻骨痕猶
在淵底藏珠水更通霖雨幾時岩墅去卧龍底處草
廬空眼中要識眞英物寓迹何勞想下風

廣西通志金石

張之才

字公美崑山人紹興十二年進士

廣野軒

城隅荒僻地瀟灑亦清虛雅有林泉樂閒同郊野居
小園春自好幽逕客來疎不學樊遲稼虞卿喜著書
山東通志藝文

楊邦弼

字良佐建甯浦城人億四世孫至震澤師王蘋因
家焉紹興十二年舉進士第三時行都初建太
學以邦弼爲博士踰年通判信州遷大理卿改
湖南漕遷祕書丞著佐作郎再遷禮部郎以起
居舍人使金還擢起居郎中書舍人卒

挽王信伯先生 二首

伊洛親聞道淵微賴發揚東吳賢望重西觀舊書藏
吾黨將安放斯文豈遂亡堂堂甯復見門士慟新崗
梁木俄摧壞吁嗟喪大賢典型看肖子道學付誰傳
一代風流盡千秋物論先師言猶在耳身敢墜周旋

震澤
鎮志

王悅

字習之莆田人紹興十二年進士累官吏部郎

知衢州

大帽山

鷄犬數聲雲一塢春陽桃李渺成蹊

又

觚稜脫脫風塵表峭壁垂垂日月低

莆田縣志

劉琪

厲有

知稼亭

周公說稼成王師樊遲說稼夫子嗤區區農圃焉用
學艱難之事惟當知江淮制師周公似取以名亭意
如此遙知袖有無逸篇準擬歸時獻天子

景定建
康志

李則

字康成龍溪人紹興十二年持奏名進士賀州
桂嶺主簿攝富川縣移鄉郡德化縣轉通直郎

致仕

臨漳臺

亭枕臨漳一水陰
半空雲霧鎖寒林
山從天竇來鸞
遠基闢開元
歷代深

輿地紀勝

薛珩

字景行興化人
一作莆田人
紹興十二年進士
歷官廣東湖北憲司
檢法官終梅州守

瑞雲潭

一派寒潭闢碧虛
閒雲自有卷還舒
夜來數仞祥光
起早去溪頭
聽詔書

宋詩拾遺

又見莆田縣志

陳賓

字賓王福建福安人紹興十二年進士累官從

政郎武平令

醒心亭

在楓亭驛

亭以醒心名心與亭何與物各有感通此理貴深喻
峴山峙豐碑見者皆墮淚推類盡其餘庶表名亭義
我昨發莆陽春光正明媚肩輿撼頓間思慮襍勞勩
行行復行行至此若沾醉振衣躡斯亭四顧足清致
芳樹播繁陰晴山薦空翠時有幽禽來且無俗駕至
物我方兩忘情景亦相會天君始泰然萬境絕纖翳

後樂與先憂虛靈良不昧揭扁端在茲夫豈無所試
尙期知我者他時來作記

見僊遊
縣志

蔡茲

字光烈永春州人紹興十二年進士仕至南恩
守秩滿歸築室東徧匾曰燕堂日與賓友觴詠
其中

燕堂詩

初名燕堂後
改曰長春

世情日淺道情深悔不林泉早脫簪一世簡編貽後
葉百年香火奉先心詩緣好句須親錄酒到濃時輒
倩斟於此更無關意事時携諸幼步花陰

永春
州志

王伯廣

字師德常熟人紹興十二年進士調湖州德清尉授溫州教授再調常州教授精于詩與張孝祥遊詩筒往復著聽雨集

頂山栗

黃籬抱中實紫苞發外彩寄蹤蜂窠垂藏頭蝟皮隘詎堪鼯鼠竊更復猿猱採心憐使民畏時須徇兒愛荆山破金璞驪珠掩微類縝密文自保滋味身乃碎筠籠貢厥珍不在粗梨外羅邁加其儀顧與菱芡對易飽屏膏肉餘功益肝肺懸風當令堅致涇忍使敗

晉地棗非偶宣城蜜嘉配誰知麝香囊可居天下最

寶嚴寺

平湖鏡淨中背貼青峯巒去郭二十里金碧輝波瀾
是日寶華境萬象鬱以盤壯哉宰堵坡一瞰天地寬
誰懷墮塵鞅幾欲招飛鸞我生渺何能山水情所安
扁舟幾來斯不爲開愁端意到自行樂樽酒那追懽
何時結青蓮超適心外觀塵迹身兩忘浩然天地間

琴川志

吳炯

永興人中復之孫則禮之子紹興十三年樞密

院編修官提舉浙西茶鹽見儀顧堂題跋

贈劉義仲

束帶眞成屈壯圖甯思飽死歎侏儒便拈手板還承
相却覓芒蹊踏故廬少日縈心但黃妳暮年使鬼欠
青奴他時有客來載酒解道欲眠卿去無

戲蘇叔黨

誰知吾子淡 粥壓倒東坡玉糝羹

以上五總志

顏孝子烏墓

人倫風化自孝始我懷義烏顏氏子昔從書傳聞其
名今來浙東入其里未入里先見路碑高塚巍然雲

樹裏猶有羣鳥繞墓飛或者神鳥長不死啣土傷吻
土亦赤烏血凝成墓山紫今古人人皆有親負土葬
者豈獨此如何感召到山禽須就人心推物理生前
服勞情自苦亡後附身哀靡已天地憫憐鬼神泣無
知羽族有所使父子塋域永相依白雲深處精靈起
風吹草卉卽萊衣溪浮蘋藻爲甘旨千秋萬古此經
過誰人眼不淚如水

郭知虔

字孟始紹興十三年授迪功郎

秋日憶次張弟

宋詩四十二
末
秋風吹落葉獨客異鄉心生計憐吾拙窮愁念汝深
面經三載隔老惜二毛侵飄泊南飛雁何時返故林
朱詩拾遺

楊筠

紹興十三年仙居令見嘉定赤城志

題石籐二夫人廟

古籐陰瑣石粼粼死骨猶香廟像新世上男兒輕失
節何顏祠下拜夫人

天台集

題水弄山

曲曲溪汴疊疊山稻塍高下路回環曉瞰初射林霏

落一道炊煙紫翠間

天台別編

郭昂

字百二國子監助教江西甯都人紹興十四年

解試

坐黃岡廣福禪房

愛此禪棲靜清涼境自偏
詫人拳怪樹留客笑幽蓮
草煖蛙喧夏林昏鳥夢烟
風塵吾未免兀坐愧安禪
宋詩拾遺

吳邁遠

一無遠字

江西臨川人紹興十五年進士

遊廬山觀道士石室

蒙茸翠山裏往來行迹稀尋嶺達仙居道士披雲歸
似著周時冠狀披漢時衣安知時代積服古人不衰
得我宿昔情知我道無爲

九江府志

江溥

字叔源紹興十五年進士除襄陽教授輯備邊
書上于朝擢太府丞歷殿中侍御史前後所上
凡八十疏天稟夷雅不妄喜怒而勁正挺特孝
宗獨知之登貳臺入謝復面諭曰朕知卿有守
不妄造請故特以命卿溥感知遇益明目張膽

無所諱忌直聲獵獵有郡司馬挾魏邸親吏煽
奸竊柄嘗繕私居矯令役民摧壓死者十三人
傷者倍之閱月而上不聞溥劾奏請次第議罪
上覽疏喜曰父子之間人所難言不謂卿能如
此于是權貴斂迹一時稱爲真御史子公亮任
四川提刑清亮有父風

聽雨軒

二蘇當日相思句故揭名軒意可知萱草滿堂長衍
衍棣華聯萼更怡怡酒傾風雨對床夜夢到池塘覓
句時最羨君家好兄弟箇中真樂本無涯

開化縣志

盧傳霖

浙江永嘉人紹興十五年進士官宗正丞和州教授

雪

寒鄉只顧春來早暖日寒風盡蕩摩

紫年要錄一百七十

楊傑厲有

題天台福聖觀瀑布

積雪懸崖照幽谷轟雷破石響空山直疑天上銀河水倒瀉千巖萬壑間

有刻石

天台別稿

張孝友

金堂人紹興十五年特奏名賜文學

句

盡得渭川真面目元知楚國富江山

輿地紀勝

王 玘

臨川人紹興十五年進士

橫秋閣

地僻無車馬新涼入醉鄉柳烟颺夕渚蓮露泣秋塘
懶聽能啼雁閒披古錦囊物華隨處好何必在瀟湘

撫州府志

林

仰厲有

霞浦人

金臺寺

蒼蘚沿階走細泉青松翠竹照華軒
高人倦作金口吼旅客來參玉版禪
暖日遲遲晞宿露微風淡淡逐寒烟
茶甌香秘蒲團穩始覺林泉思邈然
福寧府志

赴官武康投宿客邸作

巾子山頭一枕風皇華亭下水連空
山靈不用回俗

駕儻有田園吾欲東

天台別編

李庚

厲有

字子長臨海人紹興十五年進士
歷官監察御史

史兵部郎中知南劔 州後知袁州未上卒著
有論癡符見赤城志

題尤使君郡圃十二詩

參雲亭

元公來把麾與民脫水厄當題游息地危亭冠州宅
梁凍宿寒雲去天纔一握尙餘手種木甘棠思召伯
台州當大水之餘元章簡公作民居
數千區壁城置 至今爲利見本傳

雙巖堂

吾州山水窟城郭擁寒綠戢戢羣峯間峙此一雙玉
相對如佳賓可敬不可賣空翠撲衣裳夜來雨新沐

玉霄亭

亭亭玉霄峯列仙皆羽化把酒碧桃間吹簫明月下
嗟我落塵凡鶴背應難跨夫子真癯儒好上班麟駕
匿峯亭

新亭方半丈眾山之所宗慳吝半窗月劣受一簾風
傍人笑老子游戲如兒童亂峯徒頡頏不與汝爭雄
凝思齋

孫綽遊天台侔人以圖至公今身見之情親心更醉
坐想復行吟商頌得十二寄語范榮期金聲重擲地

梁山堂

青山如避世詎肯詣公府仁人如好賢招邀入庭戶
柱笏對朝氣卷簾當暮雨此堂面西是有佳趣莫與兒
輩語

清平閣

彼美東堂下方池誰鑿成蕭侯慨不見亦足窺典型
湛湛魚可數怵怵鷗不驚此心有如水通國號神明

君子堂

文簡爲州時不求赫赫譽畢文簡公嘗語人曰偉壯官無赫赫之譽力自規檢
庶幾寡過爾溫恭君子儒豈弟民父母黃堂能幾年清風
霽千古願公踵前修持此相明主

靜鎮堂

海邦本淳古山民亦頽蒙汝不探赤丸我無爲鉅筭
熙熙樵與牧靄靄春風中何必師齊相虛堂舍蓋公
霞起堂

赤城古洞天彤霞照山谷爛爛九光垂餘輝借草木
伊予有痼疾企望常不足待與馬鍊師耘芝灌松竹
節愛堂

吾愛巴揚州夜不然官燭吾愛陽道州日炊米二斛
使君美無度力蹈前賢躅宜爾海雲邊十萬戶蒙福
駐目亭

更散長廊靜杖藜巾一幅只圖眼界寬
不管窮脚力野水露微灣寒山出寸碧
待拍洪崖肩蓬萊真咫尺

天台
別編

同丁致遠司戶游東掖山

不見詩人老鄭虔誰知衣鉢此中傳
尙餘傑閣驚人句更結今秋未了緣

丁相約今秋
再游光明閣

與君共飽桑門飯愧我曾非蓮社人
若問生公講堂

事青山門外自橫陳

天台
別編

陳致一

紹興十五年以左奉議郎知仙遊縣

普惠院勸農

青麻懔懔近人長小麥青青大麥黃令尹出郊聞好

語春來喜有半年糧

興化府志

宋詩紀事補遺卷四十二終

男內閣中書蜀屏校